

CHEDERDELEL A DONGIDEB ER A RECHAD EL MLA ER A PUBLIC HEALTH

November 24, 2021 11:23 AM PALAUAN

Tial mlo merek el rrak eng mlo ngodech a teleteled a dongideb er kid sel temel a holidays. Ngmocha temel a winter me kede mo omais el oldingel er a resechelid mar de kaodengei el chad meng kired el kauklatk el mengedmokl er kid me lak bol opriid a COVID-19.

Kired el di melemolem el kerkikl. A COVID-19 a dirk ngarngii ra elsel a beluu. A ospitar a mechu mesekek rar smecher e di merael el mo ngesonges a rechad el oureor. Tial rakt ra COVID-19 a di melemolem el omerk er a elsel a skuul, ma ikrel a temel a skuul, ma basio er a ongdibel el dirrek. Kau a sebechem el olngeseu er a skuul ma osbitar el di melemolem el meruul a ngerchelir alsekum e ke kerkikl el mengideb ra rechad. Kid el rokui a kired el mo kaingeseu e kauklatk el kirel a terbengel tial rakt ra COVID-19.

Ngodechii a sils ra ongdibel malchub e ke torikes er ngii sel sekum eng diak el sebechem el otireklii a ungil teleteled a ongdibel malchub ar okyak er kau a diak bololtirakl erngii. Bai kirem el rullii a ongdibel el ngara on line.

Mongedmokl a ongdibel er ikr al sebechem e moltirakl aikal omruul:

- Momeklatk ra rechad me di lekiei ra blirir alsekum e te:
 - » Smecher ra tereter ma kuk bebil ra rakt
 - » Dirk e mengiil ra kekka ra test er tir ra COVID-19, malchub
 - » Mlara basio el kmeed ra chad el smecher el COVID-19 el elsel a mla mo merek el 14 el klebesei.
- Molekoi er a rokui el chad el me oldingel el mo nguu a orus er a yobo.
- Ngdiak dobes el kmo ngmekelekolt a beluu e klou a tereter! Malsekum e ke kerkikl el mo nguu a rokui el orsum ra ikel kuk bebil ra rakt e ke bai mla mterob a rokui el rakt el sebechem el nguu.
- Momeklatk er ar okyak er kau el kmo a rechad el dirkak el ngai a orus er tir a ungil a dil kiei er a keblirir.
- Ma sel borngii a ongdibel er ikr, e kolengit er a rechad me te mo ouspech a mask er tir ra seked.
- Mkedmeklii a basio el sebecherir a rechad el rokui el mo chacheroid el sal kesai eng 6 feet a delongelir. Mongideb ra di kesai el chad me bol sebecherir el diak el sal mo ketitch.
- Moruul a klou el basio meng sebecherir a rechad er a band, mar mo meloik, mar mo mengedecheduch el morngii a 6 feet er a delongelir mar ngara audience. Mouspech a PA System el orrael a ongak.
- Morous a kall el mo ra tang ma tang malchub e a rechad a mekiis el ou derstang el mo melai a kelir. Molekoi ra rechad el mo diak el sal kaiuekeed sel bo lolai a kelir.
- Moruul a blil a omelbal ma omengilt el arukor ra chimorir ar okyak.
- Molemd e mosuld a rokui el blil a omnged elk all ma ilumel er ngii.
- Mosubed er a rechad el kirel a klou el ngeseu el ngara 211 el sebecherir el melai el kirel a omsodel a COVID-19 ma omelai el orus er a yobo, ma Imuut el bebil er a ngeseu.



Dim kiei er a blai a blom secher ra tereter



Bom nguu a orus er a yobo er kau e molemolem el ouspech er a mask er kau



Omais er ikr

Alsekum eng kiriu el di kiei er a chelsel a blai.

- A rokui el chad a kirir el di ouspech a mask er tir el diak lomekerreu el kmo te mla nguu a orus er tir malchub.
- Mkisii a mado ma chesimer me bol sebechel a cheluut el me tmuu er a chelsel a blai.

